

## **Redovni izvještaj dnevnih događaja i pojava**

Izvještaj se odnosi na događaje u vremenskom periodu od 21.01.2026. godine od 08:00 sati do 22.01.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

### **POŽARI (LP-3)**

Općina Bužim. Vatrogasna jedinica općine Bužim je imala intervenciju na gašenju požara od 14:20 do 15:00 sati u Ulici Generala Izeta Nanića, gdje je gorjelo putničko motorno vozilo. Grad Bihać. Vatrogasna jedinica grada Bihaća je imala intervenciju na gašenju požara u Ulici Meše Selimovića, gdje je gorjelo smeće.

Vatrogasne jedinice u ostalim općinama i gradovima nisu imale intervencija.

### **OBLAST SAOBRAĆAJA (prohodnost puteva, drumski i željeznički saobraćaj)**

Svi magistralni i regionalni putevi su prohodni. Zbog niskih temperatura u noćnim i jutarnjim satima upozoravamo na mjestimično zaleđene dionice u višim planinskim predjelima, preko mostova i na prilazima tunelima.

Na magistralnoj cesti Vrhpolje-Ključ (dionici Kamičak-Ključ), zbog radova na izgradnji mosta preko rijeke Banjice, saobraća se naizmjenično, jednom trakom.

Na graničnim prelazima zadržavanja za putnička vozila nisu duža od 30 minuta.

### **BEZBJEDNOST U SAOBRAĆAJU (LP-7) (saobraćajne nezgode)**

Na području USK-a u protekla 24 sata desila se jedna saobraćajna nezgoda.

Nije bilo povređenih lica, pričinjena je materijalna šteta.

### **OŠTEĆENJA ELEKTRIČNE MREŽE (LP-18)**

Elektroenergetski sistem je stabilan.

### **OBLAST TELEKOMUNIKACIJA (LP-18)**

Telefonske veze funkcioniraju u svim pravcima.

### **OBLAST VODOSNABDIJEVANJA (LP-18)**

Grad Bihać- Zbog povećane izdašnosti i zamućenja vode na izvorištu Ostrovica, za naselje Kulen Vakuf preporučuje se korisnicima da iz preventivnih razloga prokuhavaju vodu prije upotrebe za piće, sve do obavijesti o normalizaciji stanja u vodosnabdijevanju.

Vodosnabdijevanje u ostalim općinama i gradovima je zadovoljavajuće.

### **NEEKSPLODIRANA UBOJNA SREDSTVA –NUS (LP-19)**

Nije bilo prijava pronalaska NUS-a.

### **METEOROLOŠKO-HIDROLOŠKA SITUACIJA**

U gradu Bihaću u 07:00 sati temperatura je iznosila – 3 °C.

Vodostaj rijeke Une iznosi 52 cm, (početak obavješćavanja je 100 cm).

U općini Sanski Most u 07:00 sati temperatura je iznosila - 4 °C.

Vodostaj rijeke Sane iznosi 136 cm (početak obavješćavanja je 310 cm).

Visina snijega 4 cm.